

الإسلام - نبذة موجزة عن الإسلام
(مجردة من الأدلة) (الجمعية)

Ne Wënd Yvurã Albarka, sên yaa Dûni yols zâng
naabã, n leb yaa Sîd-kôatbã welg n yols naabã

Lislaoongã.

**Toagsg sên kuvg koεεga sên wilgd Lislaoongã
wεεngẽ, wala a sên wa Alkvrãan wagellã la
Nabiyaamã sūnnah pvga**

(Wãnde yaa yiisgu, (Kopı) b sên n yãk daliil-rãmbã
n base)¹

Yaa gaf sên be soka, a gũbga wĩnig-rãmba sên kuvg
keooga n wĩngd Lislaoongã sên yaa a soaba, n vñegd
a yẽg nins sên tvg n pak n yuda, la a saglsã, la a
sõmblemã, n yõnged n yit a tigsg nins sên yaa yẽgã,
yẽnda me la Alkvrãan wagellã la Nabiyaamã Sūnnah,
la gafã a togenda Šari tvuma sên zao b rãmb fãa gilli
(Baaligsã) sên yaa b lıslaamba la sên ka b lıslaamba,
ne bãmb buudã goam, b sên be zĩig ning fãa la zãmaan
ning fãa, b yelã la b alhaalã sên tvg n yõs taab fãa gilli.

1- Lislaoongã yaa Wënd tẽn-tvmdẽ n tvg neba fãa
gill nengẽ, rënd yẽnda la Wënd tẽn-tvmd ńing sên
duumdã.

¹ seb-kãngã tara yiisga (kopı) a to sên tigim daliil-rãmbã sên yi
Alkvrãan wagellã la Sunnah, masaal fãa sên be a pvğẽ ne a
daliil. La sên na yl n paam-a n gese tũuda so-kãngã
<https://islamhouse.com/ar/books/2830071>

2-La lɪslaoongã ka dīin sēn welge n kō buud toore maa neb toor ye, ad a yaa Wēnd dīin n kō neba fāa gill kɛp.

3- Lɪslaoongã la Wēnd tēn-tvmd ninga sēn wa n pids nabiyaam-rāmbã la tēn-tvumbã sēn reng taoore tēn-tvmã, ti tvug b nebē wã pvvsg la tulgr be b yīnga.

4-Nabiyaam-rāmbã, -tulgr be b yīnga- b dīinã yaa a yembr tãa, la b tūudmã soya yōsa taaba.

5-Lɪslaoongã boondame n tvugdē wala nabiyaam-rāmbã fāa sēn boolã, a Nuuh la a [braahum la a Muusa la a Sulaymaan la a Daawvvd la a [ɪsa -tulgr be b zugun tvugd sɪd-kūuni (lumaoongo) ti ad Soabã, Yēndã la Wēnde, sēn yaa Naandã, n yaa Rɪlgdã, sēn vumsda la A kvvdã, sēn yaa Naamã Soaadã, Yēndã me n rabsd yelã, Yē me yaa nimbāan-Zoata, n yaa Yolsda.

6- Wēnde, A Naam yɪlgame, Yēnda la Naandã, Yē n sōmb ne tūudmã Yē a yembr tãa, la b ra tvug n tū n lagem-A zēng sēn ka Yē ye.

7- Wēnd la Naanda būmb ninga sēn be dūni wã fāa pvge, tōnd sēn ne la d sēn pa ne wã, la zēng sēn ka Yē fāa yaa bōn-naandga sēn be A bōn-naandsã pvge, la Wēnd naana saasã la tēngã rasem a yoob pvge.

8- La Wēnde, A Naam yulgame n zēke, A ka tar lagem-n-taaga A Naamē wā maa A naanegē wā ye, maa A rabsdgē wā maa A tūudmē wā.

9- La Wēnde, A Naam yulgame, A ka roge, b ka rog-A, A ka tar mams-n-taaga, A ka tar bils-n-taaga.

10- La Wēnde, A Naam yulgame n zēke, A ka sigd būmb pugē ye, A ka lebd būmb me n rik a yīng ye, sēn yaa būmb ning fāa sēn be A bōn-naandsē wā:

11- Wēnde, A Naam yulgame n zēke, A yaa nimbāan-Zoeta n yaa Yolsda ne A yembsā, rē n kūt t'A tum tēn-tumbā, la A sik Gaf-rāmbā.

12- Wēnd la Soabā sēn yaa Yolsdā, Yēnd A Yembr tāa n na n geel yembsā Dūni wā yikr raarā, wakat ning A sēn na n yik-b fāa b yaadē wā, n rol ned fāa a sēn tumā, sōma la wēnga. Rēnd ned ning sēn tuma tum sōma t'a yaa sid-kōta rēnd yē soab tara neema sēn duumdā, la ned ning sēn kīfla la a tum wēnga, yē tara nang sēn yaa bedre, yaoolem raarā.

13- Wēnde, A Naam yulgame n zēke, A naana a Adama ne tom, n maan a koambā tī b fugdē rē loogr poorē, rēnd nebā fāa gilli, b yēgrā yaa yembre, yudlem ka be ne buudu, buud a to zug ye, ka be ne neb me, neb a taab zugu, sā n ka ne Wēn-zoεεg bala.

14- La biig fāa rogda Fitrā wā (dīnā) zugu.

15- La ned ka be ninsaalbã pugẽ n rogdẽ t'a yaa tudgda, maa a rik a to tudgr faad ye.

16- La nebã naanegã vóor yaa: Wënd tũudum yĩnga Yẽ A Yembre:

17- Lɪslaoongã waooga ninsaala- b raopa la pagbala a leb n kô-a a hake-rãmb gilli, la a maan-a ti b na n sok-a a sên tũus yel ninsã fãa gilli, la a tũmã fãa gilli, la a manesmã fãa, la a rogend-a tũm ning fãa sên namsd a mengã ne-a, maa sên namsd neb a taabã.

18- La Lɪslaoongã maana raoa la paga ti b yaa yembre, sã n yaa ne tũmã wɛngẽ, la rolbã la yel-sômdã wɛngẽ.

19- Lɪslaoongã waooga paga, la a maan ti pagbã b yaa raopa boaga, la a rogl raoã t'a rulgr-a t'a sã n yaa tōoda, rënd bi-pugl rulgre yaa tɪlae n zao a ba wã, ti ma wã rulgr zao a biigã t'a sã n yaa kāsma n tar tōogo, ti pag rulgr zao a sɪdã.

20- La kũumã ka yẽnda la sɛɛb ning sên duumda ye, ayo, ad a yaa tedgre, n na n yi tũm zakẽ n kɛng rolb zakẽ, la kũumã a rikda yĩngã la yōorã fãa, la yōorã kũum yaa a sên na wa welg n bas yĩngã, rẽ poorẽ t'a lebg n wa a yĩngẽ wã, b sên wat n yik nebã poore, dũni yikr raarã, la yōorã pa toeemd kũuma poore n long yĩng a to ye, a leb n pa kēed yĩng a to ye.

21-Lislaoongã boondame n tug ti b kô sîda ne lumaoongã (kô-sîdã) yêga sên yaa bed-bedã, bãmb me la kô-sîd ne Wênde, la malegsã, la Wênd Gaf-rãmbã, wala Tawraatã, la Lingiilã, la Zabvurã - taoor ti b na n ka toeem-ba - la Alkvrãanã, la kô sîda ne Nabiyaam-rãmbã fãa la Tên-tvumbã, tulgr be b yînga, la a leb n kô sîda ne b Pidsdã, yê me la a Mvhammad sên yaa Wênd Tên-tvmã, sên yaa Nabiyaam-rãmbã la tên-tvumbã Pidsdã. La a kô sîd ne Yaoolem raarã. La d bãng ti ad dũni vumã, sã n da yaa yê la teka; mikdame ti vumã la belmã yaa bũmb sên yaa reem bala. La d leb n kô sîda ne Bvvdã la Pvlengã.

22- La nabiyaam-rãmbã -tulgr be b yînga- b gũ-b lame n yi tudgri bũmb ning fãa b sên taasdã pugê ti yi Wênd nengê wã, b leb n gũ-b lame n yi tudgri sên kêed ne bũmb fãa sên yôsgd yam maa zvug-sôngo, la nabiyaam-rãmbã, b rogl-b lame ti b taas Wênd saglsã A yembsê wã. La nabiyaam-rãmbã b ka tar baa fvi sên yaa wala Rubvubiya (Wêndlem) maa Ulvubiya (Sobendem). Ka woto ye, bãmb pus n yaa yîng rãmb bala, n wônd nebã fãa gilli, ti Wênd tvmsd ti kêngd b nengê A tên-tvmã.

23-La lislaoongã boondame n tugd Wênd tũudum, A Yembre, ne tũud-rãmba yêg sên yaa b bedã, bãmb

me: la Puvsgã, sên yaa yasgo, la surbu (Rukuu), la suguudu la Wënd Yuvr tēegre, la A pēgbo la kosgo, ninsaal puvsd-a-la raar fãa noor a nu, ti yud-taabã fãa se a pugē, rēnd rakāagre la talga la naaba la sên ka naaba, fãa bee rulg a yembr zugu Puvsgã pugē. La Zaka, yē me yaa sōor sên yaa bilfu sên yi arzekē wã, n zems ne sart-rãmba, la sōor ningã Wënd sên yãke, ti yaa tilae n be rakāagbã arzēgsē, ti b yiisd n kōt talse la zēng sên ka bãmba. Yaa vugr tãa yvum pugē. La No-loerã, yē me la yōk-m-menga n yi bōn-kaoodu Ramadaanã kiuug wīntoogã pugē, ti yaa būmb sên wubd yōorã ne raabo la sugri. La Hagiimdã, yē me la Wënd Roogã toglgo, sên be Mak tēn-wagellã pugē, vugri yōorã woglem pugē, ti rog sên yaa tōogda, n tōe n kēnge, la hagiimdã pugē, nebã fãa zemsda taaba togle n tug Naandã nengē wã -A Naam yulgame- ti yudlemã sên welgd neba ne taaba la yēgã fãa menemda beenē n lebq būmb a yembre.

24-La būmb sên yaa zısg n yud sên kōt tūud-rãmbã yulldem lıslaoongã pugē t'a yud a taabã, yaa t'a yalē wã, la a wakat-rãmbã, la a sart-rãmbã, yaa Wënd n maan-ba -A Naam yulgame n zēke- la A sên taas A Tēn-tvumã -Wënd puvsg la A tilgr be a yīnga- ti ninsaalbã ka kēes b toaag a pugē, zem ti yaa paasgo

maa boogre, n wa tãag rûnda, la tûud-kãensã fãa gill sên yaa bẽd-bẽda, tẽn-tvumbã fãa boolame n tvug-a, tulgr be b yĩnga.

25-Lislaoongã Tẽn-tvumã, yẽ la a Mvhammad sên yaa a Abdvllaah biiga, n yi a Ismaa'ul sên yaa a [braahum biigã pendẽ, pvvsg la tulgr be b yĩnga, a roga Maka, yvum 571, nabi [isa rogmã poorẽ, b tvums-a lame t'a be Maka, t'a yik rẽ poorẽ n kẽng Madiina, la a ka lagem a nebã rvbsã tûub yelẽ ye, la a rag n yume n lagemd-ba tvum sômbs a taaba sên yaa waglã pvge, a rag n yume n be zvugd sên yaa zisd pvge, taoor ti b na n ka tvums-a ye. La a nebã rag n yume n da boond-a t'a amiin (bas-m-yam soaba). Wẽnd tvums-a lame a sên wa n ta yvum pis-naase (40). La Wẽnd kenga a boollã ne tagmas-rãmba (yel soalem-rãmba) sên yaa zisdo, la b sên tvug n yuda yaa Alkvraan wagellã, yẽ me la nabiyaam-rãmba tagmas-rãmb zislem sên tvug n yuda, yẽ me la tagmas ning sên pa, nabiyaam-rãmbã tagmas-rãmbẽ wã, n na n tvug n tãag rûnda. La Wẽnd sên wa n tvug n pids dîinã n kô-a wã, ti Nabiyaamã taas-a taasg tekã, a maana kaalem t'a yvuma yaa pis-yoob la a tãabo, la b mum-a-la Madiin sên yaa Nabiyaamã tẽngã, la Tẽn-tvuma a Mvhammad pvvsg la tulgr be a yĩnga yẽ la nabiyaam-dãmba la tẽn-tvumbã Pidsda,

Wënd tums-a la ne kändgre la sid dīnā bul yīng t'a yiis
nebā rubsā la kīlmā la zulmā ligsā, n tug Wënd-
yembgā la sid-kūuna vēnem, la Wënd maana kaset
tī ad A tums-a lame t'a yaa boonda n tug A nengē ne
Yē tōogo.

26-La lislaoongā Šari wā Tēn-tuum a Muḥammad -
Wënd puvsg la A tilgr be a yīnga- sēn wa ne-a wā, yaa
yēnd n pidsd Wënd tēn-tumā la A Šari-rāmba, yē me
la Šari sēn pidi, nebā dīna la b dūni wā me manegr be
a pugē, yē me gūusda: nebā b dīn-rāmba la b zī-rāmba
la b arzgsā la b yamā la b koambā, yē me n yēes Šari
fāa sēn reng taoore, wala Šari-rāmb nins me sēn da
reng taoorā sēn yēes taabā.

27- La Wēnde, A Naam yilgame n zēke, a ka reegd
dīn sā n ka lislaoongā dīn ye, ning Tēn-tuum a
Muḥammad -Wënd puvsg la A tilgr be a yīnga- sēn wa
ne wā. La ned ning sēn wa n tug n kē zēng sēn ka
lislaoongā, A ka na n tol n reeg a yīng ye.

28- Alkurāan wagellā, yēnda la gaf ning Wënd sēn
tums-a n tug Tēn-tuumā a Muḥammad nengē wā puvsg
la tilgr be a yīnga, yēnda me yaa bon-naands Naaba
goama, Wënd geesa ninsaalbā la zīn-dāmba tī b wa ne
a buudu, maa Suvra sēn wōnd a suvra-rāmba buud
bala, la geesgā ka bak n ket n be n tāag rūnda, la b ka

tōog n wa ne-a ye. La Alkurāan wagellā, a leogsda sogsg wusgo, sēn yirb neb tus-kēems wusgo. La Alkurāan wagellā, yēnda yaa Wēnd sēn gū n yi toeeng buudu, n tug n wa tāag rūnda, ne Laarabiimd ningā a sēn sig ne wā. Baa gom-bil a yembr ka boog beenē ye, yaa būmb me sēn wē n yiisi t'a sāeege, yaa gaf sēn yaa bedre n ka tar to, ti sōmb ti b karem-a, maa b karem a maana wā sēn lebg ne buud a taaba goamā, wala Tēn-tuumā a Muhammade -Wēnd puvsig la A tilgr be a yīnga- Sunna me, la a sēn wilg yel ninsā la a vumā yellā, yē me yaa būmb b sēn gūusi n tall-a n taas sēn tū ne Ruwaat (toagsdb) n yaa b sēn maan-b rāmb bas-m-yam, hali ti wa tug n ta tōndo, yē me yaa būmb b sēn wē n yiis ne Laarabiimd ning Tēn-tuumā -Wēnd puvsig la A tilgr be a yīnga- sēn goam a soabā, yaa būmb b sēn lebg ne buud goam wusgo. La Alkurāan wagellā ne Tēn-tuumā Sunnā -Wēnd puvsig la A tilgr be a yīnga- yaa bāmbā b yiibā la yēgr a yembr taa b sēn yākd lislaoongā Būdā la a Šari-rāmbā b pugē, rēnd lislaoongā, b ka reegd-a neb nins sēn yet ti b yaa lislambā manesmā pugē ye; la ad b reegd-a lame n yi Wēnd wahiē wā: Alkurāan wagellē wā la Nabiyaamā Sunnē wā.

29- La lɪslaoongã sagenda ne manegre n tʊg roagdb a yiibã, baa tɪ b sã n yume n ka moeemba, a leb n sagendame tɪ b rik na-kẽng sõngo ne koambã.

30- Lɪslaoongã sagenda ne tẽeg-tirga goam la tʊm pʊgẽ, hal n tʊg n tãag ne beebã.

31-La lɪslaoongã sagenda ne manegre n tʊg bõn-naandsã gilli, n leb n boondẽ n tʊgd zug wagla la tʊm sõmbse

32-La lɪslaamdã sagenda ne zug sõmbse, wala sɪda, la bas-m-yam, la boabl lebsgo, la yõk-m-menga, la yãn-zoẽega, la raodo, la kũuni, la kõ-yalengo, la tʊlsem-rãmbã sõngre, la pakr sẽn pak-b rãmb fãagre, la kom soab rilgre, la yak-n-taar manegre, la rogem tõkre, la maan bug-bug ne rũmsã.

33-Lɪslaoongã kõo sor tɪ b rɪ rɪ-yɪlmã fãa, sẽn yaa rubo la bõn-yũudɪ, la a sagle tɪ b yɪlg sũyã la yĩnga, la zaka, rẽ n kite t'a kõ sor ne fur loẽega, wala nabiyaam-rãmbã me sẽn sagl ne rẽnda -tulgr be b yĩnga- bala b sagenda ne bũmb fãa sẽn yaa yilenga

34- La lɪslaoongã gɪdga haraam-dãmba yẽgã, wala lagem-n-taar ne Wẽnde, la kifẽndo, la rʊbsã tũubu, la yeel Wẽnd zugu tɪ ka tũ ne bãngr ye, la koam kvʊbo, la kv yõor ninga Šari wã sẽn ka kõ sore tɪ b kv, la sãoong tẽngã puga, la tum saooobo, la yel-beedo sẽn vẽneg la

sēn solge, la yoobo, la raop kēed-n-taar ne taaba, la a gɪdg Rɪba'a, la a gɪdg gɪf wābre, la būmb ning b sēn kodge ruvsā yīnga, la a gɪdg kukur nemd wābre, la rēgd-rāmbā fāa gilli, la a gɪdg kub arzek rubo, la boogre vugbē wā la magbē wā, la a gɪdg rogem wāagre. La Nabiyaam-rāmbā fāa gill zemsā taaba ne haraam-kāensā gɪdgre.

35- Lɪslaoongā gɪdgda zvug-wēnse, wala zīri-beedo la zāmbō, la pu-lika, la belgre, la sū-kiiri, la rab-wēnse, la wagdem, la maan-n-zvuka, la wēgdo, la a gɪdgda zvug-wēng buudā fāa gilli.

36- Lɪslaoongā gɪdgda ligda tum-n-taar ning rɪbaag sēn be a pvgē, maa namsgo, maa belgre, maa wēgdo, maa zāmbō, maa a yita sabab n wa ne sāanga la namsgo n gūbgd ne zāmā wā la nebā yembr-yembre.

37-Lɪslaoongā waame n gūus yamā, la a gɪdg būmb fāa sēn sāamd-a wala rāam yūubu, la Lɪslaoongā zēka yamā yelle, n maan ti yaa yēnda la tumā roglg zīiga, n yidg-a n yi rog-m-mikā la kɪfēndā bāense, la ka be lɪslaamdā puga, sēn yaa yel-soaandi maa yaa buudo n welg ne neb a taaba ti pa tū ne a taaba, ad a Buud-rāmbā fāa la a Šari-rāmbā fāa yaa sēn zems ne yam sōmbsā, yē me yaa būmb sēn zems ne tēeg turgā la yam-bedrā.

38- La dīin yoodā, b pvgdbā sā n ka bāng būmb ning sēn be a pvgē sēn kUSD taabā, la yel nins sēn ka kēed yamā: la dīinā taoor-rāmb sēn liibd pvgdbā n yetē: tī ad dīinā a yuda yam tagsgo, la yam ka tar zīiga dīinā fasēng pvgē ye. La sā n yaa lislaoongā, a rīka dīinā tī yaa vēenem n wōond yamā t'a rīkd a sorā, rēnd dīin yoodā rāmba, b ratame tī ninsaal bas a yamā la a pug bāmba, la lislaoongā, a ratame tī ninsaal nek a yamā sēn na yīl n bāng yelā meng hakūkā wala b sēn sīd yaa to-to wā.

39- Lislaoongā zīsgda bāng sōngo, la a leb n pīrsd bāngr pēesgo, pēesg ning sēn lak n yī yōor yamleooḡā, la a boondē n tvgd tags-n-gesga la tagsgo tōnd mengā pvgē, la bōn-naandsā sēn be tōnd kīrengā, la bāng sōng ning sēn zemsd ne lislaoongā.

40- La ad Wēnd ka reegd tūmde, A leb n ka kōt yel-sōmd a pvgē yaoolem raarā sā n ka mikame tī yaa ned sēn kō sīd ne Wēnde la a tū-A la a kō sīd ne A tēn-tūmbā -pūsg la tīlgr be b yīnga- A leb n ka reegd tūud-rāmbā sā n ka būmb ninga A sēn tuk n kō-ba ye. Rēnd na n yu wān-wāna tī ninsaala kīfl ne Wēnde la a tēed t'A na n kō-a la keoore? La Wēnd ka reegd ned baa a yembr sīd-kūuni sā n ka mikame t'a kōo sīd ne nabiyaam-rāmbā fāa gill ye, -pūsg la tīlgr be b yīnga-

la a kō sūd ne a Muḥammad tēn-tumdā, Wēnd puvsg la
A tūgr be a yīnga.

41-Ad Wēnd tēn-tumā fāa gilli, b raabā yaa: tī dīn
sūdā zēk ninsaala t'a yī yamba sēn welg toore ne Wēnd
A Yembre sēn yaa bōn-naands Naabā, la b yidg-a n yī
ninsaalba yembdo, maa arzeka maa rog-n-mik
yembdo, rēnd lislaoongā yaa wala fō sēn ne wā, a ka
yūgd neb n zēk-ba n yug b zīgē wā ye, a ka maand-ba
tī b yaa wēnd-rāmba la soab-rāmb ye.

42-Wēnd tuka tuubgā sore lislaoongā pugē, yēnda
me la ninsaal sēn na n lebs a menga a Soabā nengē la a
bas zunuuba maanego, la lislaoongā a wurda būmb
ning sēn renga taorā fāa sēn yaa zunuub-rāmba, la
tuubgā sūkda būmb sēn rag n reng a taorā, sēn yaa
zunuub-rāmbā, rēnd ninsaal ka tar tulsem n na n reeg a
zugē ne yē tum tuuti wā ninsaalb taor ye.

43- Rēnd yaa lislaoongā pugā la tōk-n-taarā yīta
ninsaal ne a Soabā suka turga, tī ka tar tulsem tī ned baa
a yembr zīnd yē ne a Soabā suk ye, rēnd lislaoongā
gidgdame tī b wa tvg n rik nisaalba tī b yaa soab-rāmba,
maa b yaa lagem-n-taase ne Wēnde, A naanegā pugē
maa A Soabendā maa A wēndlemā pugē.

44- Seb-kāngā baasgē wā, d tēgdame tī ad nebā b
zāmaan-rāmbā sēn yōs-taaba la b tēmsā yōs-taabā la b

buud-rāmbā halī n tug n tãag ninsaalbā mensā fãa gilli, b yaa sēn yōs taaba, b tagsā wængē, la b tulsemā, n leb n yōs taaba b zī-zīidsē wā la b tumē wā. Rēnd sā n yaa woto, a tara tulsem wusgo, n tugd pægdā sēn na n togī bāmba, la na-kēndre sēn na n tigim bāmba, la buuda sēn na n gū-ba, la tēn-tumbā sēn yaa waglā -pusg la tilgr be b yīnga- bāmb n yās ne yel-kānga, tī yaa tēn-tumd sēn yī Naab A Wēnd nengē - A Naam yulgame- n peegd nebā n tugd sōma sore la kāndagre, la b tigimdba Wēnd Šari wā zugu, la b buud b sūka ne sīda, tī b yelā yaa sēn tēegd turga wala bāmb me sak-n-tū tēn-tumbā teka, la b wakatā me pēnegr ne Wēnd tēn-tuma, la Wēnd pīdsa Tēn-tumā ne Tēn-tuma a Muhammad -Wēnd pusg la A tilgr be a yīnga- Tēn-tumdā, la A bu t'a kelle n pa, la A maan-a t'a yaa kāndagre ne nebā, la yolsgo, la vēenem, la peegre n tug sor ning sēn taasd Wēnd nengē wā, A Naam yulgame.

45- Rē yīng n kite, tī mam boond foom a ninsaala, tī f yik n yals ne Wēnde, yalsg sūd-sīda, n foog f meng n bas togs-n-taare la rog-m-miki, la f bāng tī ad fō kūumā poorē, f na n leba f Soabā nengē, la f ges fō mengē wā la ween-n-vugā sēn be fō kīremsā, bī f sak n tū, tī ad f paamda zu-noogo f dūni wā pugē la f Laahrā pugē, la fō sā n toll n rat n na n kē lislaoongā ad ka be

ne foom sã n pa f (maan kaseto ti soab sãn na tũ n tulg
ka be, rẽnda Wẽnde, la a Mvhammad me yaa Wẽnd
Tẽn-tvuma) la f zãag f menga n yi bũmb fãa b sãn tũudi
zẽng ti ka Wẽnde, la f kũ sũda ti ad Wẽnde A na n yika
neb nins sãn be yaadẽ wã, la f bãnge, ti ad Geelgã la
Rolbã yaa bũmb sãn yaa sũda, rẽnd fo sã n maan kaset-
kãngã, fo lebga lĩslaama, rẽnd bee ne foo rẽ poorẽ ti f
tũ Wẽnd ne A sãn maan Šari ningã, sãn yaa Puvsgo, la
Zak yãkre, la no-loeere, la hagiimdu ti f sã n paam sor
n na n tug beenẽ.

Sebrã buka

Lislaoongã.	2
Toagsg sên kũg koεga sên wilgd Lislaoongã wεngẽ, wala a sên wa Alkurãan wagellã la Nabiyaamã sũnnah pũga	2